

汪子詩錄

汪子詩錄敘

汪子之文予嘗錄而敘之矣又并錄其詩若干首及是汪子逝矣遂重搜其全藁增前所錄加三分之二焉予讀其詩作而歎曰噫此楞嚴所謂情少想多輕舉非遠者也何謂情謂其毗于人也何謂想謂其近于天也予以是觀古詩人之詩若陶淵明李太白王摩詰蘇子瞻皆想多情少者也其皆陵日月而攀清都者乎汪子之詩時出入于四子亦兼有他家之勝至其本色流露則一以寒山爲宗夫寒山非詩人也且又超乎天人之際汪子之學寒山固不僅以其詩而已然而汪子非能絕意于詩人者以故學寒山而不盡乎寒山也世之稱汪子詩者非以其能爲寒山也寒山之詩同時王秀才

已竊譏之今之爲王秀才者豈少哉人能譏寒山之詩而不能譏陶李王蘇之詩予之錄汪子詩不以寒山盡汪子者亦以陶李王蘇固皆不遠乎寒山者也彭紹升題

汪子詩錄卷一

吳縣汪縉大紳著

古風十六首

重輪環終始。牝虛橐自旋。含生蹈以出。冲氣爲之先。寓庸紀人道。六籍冒羣編。大象浩難量。坐賴默者傳。

奇松秀絕壁。高可尋。尺量匠石行。官顧才未中。棟梁豈知歲寒心。乃在善潛藏。豈無一夕拱。吾知轉不祥。

昭著眾人識。幽微君子知。事以忽然成。理由積漸移。式蛙戰士奮去酒。嘉賓辭人生。進退閒見幾。安可遲。

古歡在靜拙。時譽歸佻巧。楚楚被其裳。自矜且莫好。感此伏巖阿。儉嗇以爲寶。鳳鳥不常鳴。常鳴亦凡鳥。芝艸不常見。常。

見亦凡州

經術文管商遂成用世模螻蟻何所慕功利爲羶膺皇皇伊  
周略萬古空踟躕大道無停軌糾結徒自愚

高談經世略煌煌孟邵篇大匠運一指萬戶千門連刻覈刊  
名家欲以尺量天安得般爾巧驅使隨方圓

青谿鬼谷子經世括其囊偶授張與蘇干戈致秦狂穀城黃  
石公孺子呼子房時出圯橋上傳書赤運昌商山綺夏翁誓  
不臣漢皇一朝成羽翼鴻鵠海天翔襄陽龐德公龍鳳來趨  
將師彼林下人漢道用重光

我愛文中子汾曲修王道做廬有數椽談經以終老我愛陳  
同甫王伯展懷抱酒酣陳古今縱談方浩浩腐儒不可爲真

儒不可少乘黃去已久凡馬徒競此相者舉其肥嗟哉駿未飽

寧戚仕霸主聊與仲比肩當其叩牛角堯舜歌聲宣從來操術者言高實不然苟懷寵利心所在皆腥羶六籍耀天壤模範出聖賢戔戔冠帶子取爲羔雉先一朝致尊顯初服遂棄捐何如保東山長嘯千峯顛

吾觀樹功者巧便爲之緣乘時一有就名冠青雲端金陵與江陵取必而自專所志非不偉奚爲禍敗纏未能後其身動若膠漆連不見帝王師化工默然旋得一以之運自握萬者權

人生火用事一薪禍彌天聖人制以水中央爲之田精之而

又精脫鑛金純全。丹經意在此其道貴自然。訓詁不一家。故紙空鑽研。探珠非罔象。何由洞乎乎。

聘喜偶然遇千載。敢乎關谷神。乃其竅妙在有無閒。吾知得道者。燕處超人寰。豈有華屋身。而希蓬島攀。陳搏誦堯階。徐市誇神山。

戰國競兵吞。莫如嬴秦悍。長平血滿阡。萬古恨難刻。自從蚩尤來。此禍見亦罕。嗟爾一豎子。杜郵劒已緩。救趙楚重瞳。復詐秦納款。徒恐事不成。殺之至無算。及乎雕不逝。垓下氣何短。天道信好還。豈唯概其滿。

漢高得士王田橫。得士亾丈夫。重意氣。雖敗餘耿光。咄咄廣武歎。焉知中情傷。我來海島上。悲風振千霜。

奇樹疎千章一山布漫裏空谷不逢人日莫經聲起忽感西  
方教深入寂滅理有爲必有朽無作還無止默然不二門如  
何談者哆嗟嗟徇名象心意自生死

南山虎豹羈不能作犬豕西陵松柏摧不能作桃李金石亦  
可渝羲和亦可弭雄風涌大海瀾回萬疊紫鯢鵬一以逝迅  
矣不計里當其爛泥沙獢獢笑未已

孤兒歎

并敘

客有示縉以李光裕傳者李幼失怙與縉同誦而悲  
之撫其事作孤兒歎

反哺子鼓翅張口向老鳥聲鳥鳥報本有日兒則無兒大索  
父墓艸蕪遂至此其天平

解一

母爲兒言父訣時兒抱足婦牽



帷枕上時時斂二指一指我一指兒聞言兒大慟阿母兩心  
摧兒勿悲兒悲增母悲終年三百六十日對母舞背母嘯解二  
甜是醬酸是醋細是鍼粗是布窮讀書窘婚娶母一人苦誰  
訴恐不活唯兒懼解三無根之葉風霜披之無父之子神鬼欺  
之父兮父兮其救兒母兮母兮又哭兒兒死不惜見父有時  
見父有時奉母無期解四將死雛呼老烏聲烏烏兒則已矣母  
則蹙矣父泣地矣痛母獨矣解五

正月十四夜諸弟集飲

未逢三五夜早見月華新縱飲邀諸弟關心怕老親傳柑明  
日事騎竹隔年身醉後狂歌放深宵惱比鄰

十五夜作

與世同良夜吾家半酒徒傳杯初射覆倚醉共呼盧市放千  
鐙沸天留片月孤街南并巷北兄弟醉相扶

謁祖墓二首

展墓清明日淫淫雨未休泉奔危石驟雲帶亂山浮春老何  
曾煖涂迷渾是愁紙錢飄濕處一望慘松楸  
喪父吾生痛相憐保抱中間年今壯大懷恨向蒿蓬春艸驚  
心綠桃花刺眼紅祇餘數行淚併灑向空濛

家園二首

先世唯淳樸園林古意饒依苔平置石臨水曲通橋但種窗  
前竹閒添檻外蕉隨時足嘯詠坐覺屏塵囂  
園扉終日掩偶被清風開兄弟相將至臨流覆綠醅殘荷仍

在水片石已生苔。休笑耽閒寂。家風屬艸萊。

題海棠樹

平泉舊物海棠樹。每歲華開來數巡。縷縷絲絲皆手澤。相看恐負百年身。

園居雜詠七首

春去闕長掩庭前。映獨槐風前數華片。惆悵坐莓苔。雨歇簷前樹。熏風已綠條。平田新水足。處處長新苗。灣盡聞人語。舟行隄樹交。時有水禽起。藤華落半坳。鴨闌菰蒲亂。欄邊唼葉聲。春流平泛掌。也復似鷗輕。斷岸板橋橫。獨樹欹水閣。烏鴉忽驚飛。枯巢雨中落。開門月滿野。閉門月滿庭。人眠月已去。谿水自泠泠。

小閣掩寒天。攤鑪時顧影。兒曹莫夜嬉。雪沒關邊井。

哭吳江趙夫子

投杖相看是卜商。

夫子晚喪明

忽傳凶問駭蒼黃。遂成隔世誰能

料。追憶師恩忍暫忘。削稟幾曾輕一字。說書不厭到千行。絳帷寂寞春風影。目斷松陵煙樹長。

歲暮短歌四首和季晉

北風戰樹搖江岸。葉葉飛盡存孤榦。樹底人家早閉門。骨肉圍鑪添獸炭。笑爾氣味殊酸寒。吟詩徹夜雕心肝。曉來寫就與我讀。乃是長歌當慟哭。無端棖觸平生心。爲把短章相往復。

有母有母。女中英指揮家事。家垂成喚兒窗下理章句。閒來

坐聽哦書聲每從歲莫增悲哽蠟炬搖紅拜遺影先人早歲  
拋諸孤汝是腹子猶未雛祇今長大已如此可知阿母手口  
瘡。

身長腰大騎好馬中人朔風吹曠野二弟行商劇苦辛歸來  
瘦骨祇一把男兒繼述在析薪慎勿摧汝氣嶙峋我亦棘闕  
幾次走有口未沾鹿鳴酒海內大魚果有無有則終歸任公  
手。

進不願封萬戶侯退不須泛五湖舟鎮日狂歌喫美酒科頭  
醉倚高高樓樓前待得江波綠兩岸桃花一竿竹與爾同釣  
水之濱漁兄漁弟長相親滔天風浪孤棲穩夢入華胥萬萬  
春。

有感八首

并敘

丙子歲初出門見有短衣揖讓者繼凶年之後得此知

王化之入人深矣感而有作

去歲眞洞療東南氣尙新春從江岸轉禮到販夫眞揖讓看  
閭里詩書慕縉紳撫綏煩大吏風俗不難淳

野外哀鴻集田園歎盡蕪無從歌滯穗何處見遺蘇發粟須  
持節流民欲繪圖

天書知早降枯壑待沾濡

每。從。凶。歲。後。恩。澤。入。人。深。俯。仰。蒼。生。事。飢。寒。

聖主心截糧畱水次分食到桑林爲國勤休煥須知

玉步臨

江南財賦重輸灌。仗年豐縱使鰲鱉集。應憐杼軸空。張陳畱  
惠政。周況有遺風。報國無多事。長憂百姓窮。

大吏工謀國。飛章告救荒。一夫無轉壑。四海盡神倉。

庶議征求緩。星輶驛遞忙。軍民俱感泣。翹首看騰黃。

封疆臣稱職。遵法或寥寥。澤欲流窮壤。威須壓下僚。笙歌無

日絕。醉飽使人驕。一路傷心哭。希文去已遙。

長官稱父母。責實要循名。東里誰推惠。西山孰比清。虛心容

物議。直道見民情。一錯難悔馮君朗。鑑衡。

今秋應大有人意。卽天心。風自虞廷動。雨流邵伯陰。民間如

禮讓。

主德見高深。清切承流地。歌詩告自今。

登穹窿

古院鐘聲莫壑連。盤空始出碧峯顛。來參九轉鑪中訣。徑向  
三茅頂上眠。星滿天壇河瀉影。月離海嶠樹生煙。予關呼吸  
通閭闔。御氣長朝帝座前。

幽居

幽居卜築白雲灣。松下人家不上關。自引寒泉圍古屋。閒隨  
白鹿上青山。侵簷梅子時時摘。繞砌苧苗細細刪。還按茶經  
候鑪火。雪鷗早潑鷗鵲斑。

梅影

岸中亭子夕陽低。小倚闌干望眼迷。一樣梅華兩樣影。半橫



籬落半青谿

柳陰

柳陰小立面三叉高阪橋頭日欲斜一路唱歌聲欲斷有人  
牛背折桃華

允堅遭父喪詩以寄唁

以我孤兒痛逢君喪父悲自然堪下淚沉復久相知庭訓無  
忘日家風永振時母爲徒骨立黽勉在今茲

爲舍弟炳宜題山莊雪霽圖

我生愛畫欲成癖苦無老手造高格弟輩每能知此心畫肆  
歸來挾小冊展之梨几寒氣生滿眼唯見蒼山橫山前茅屋  
屋前橋層溪疊澗紛周遭恰當澗斷谿同處一林殘雪堆塘

坳笑指圖中多好勢。摩詰家風非俗諦。安得移居住朝川。王家兄弟今相繼。

題王存素畫黃山雲海障子

昔逢海客談瀛洲。蒼茫氣象無能侔。我欲向之問端倪。但指天際雲悠悠。卽雲卽海空外流。今看好手弄狡獪。滿紙淋漓吁可怪。不知墨氣并雲氣。唯見紫瀾萬疊聲澎湃。卽海卽雲壁上挂。我聞黃山之雲天下奇。僊靈變幻那得知。欲往觀之勞我思。異境恍惚移于斯。一縷初生上遙漢。煙交霧集漸浩瀚。雲作奇峯峯作雲。雲峯片片相凌亂。俄然南北東西合。浮天沒地無邊岸。三千白日照難窮。九萬長風吹不散。神仙欲到輒引去。河伯無端望洋歎。雲邪海邪誰能判。咫尺相從遊。

汗漫乃是三十六峯入臂挽埽卻一片錦繡段非海非雲任  
君看畫理通化工對之開心胷我將陋木華之海賦隘屈子  
之雲中契達觀于漆園等妙諦于大雄天池溟滓古今混同  
何有乎日月之循環宇宙之始終而況人世之得失窮通一  
一歸虛空精靈忽與丹青聚置身已在天都峯囊括千朵萬  
朵之芙蓉割取千閒萬閒之琳宮踏倒千年萬年之長松誓  
從王夫子游戲入無窮

題秦淮水

秦淮水榭絕可憐谿光山色相新鮮郭外潮喧一夜雨渡頭  
柳散千家煙唱歌子夜定何處打槳迎人阿那邊名士美人  
俱糞土岸華爭發空年年

舟泊虎山橋步入鄧尉

眾星羅浮圖弭棹傍石壁朝來歡騁望一路梅華圻澗寒疏  
影流山空香氣積依依繞竹籬亭亭照苔石得意遂忘疲徒  
步頗自適已造古道場邈與人境隔清梵出林閒孤剎表山  
脊遠翠拱經堂遙天覆講席湖光濕晴嵐下界浮虛白忽增  
寥廓心久痼煙霞癖米價問青原開田待黃檗舉手謝時人  
去作參寥客

登馬駕山

馬駕山前恣游衍人家隙地栽梅徧重重水竹影連甍曲曲  
松門華滿院依籬看盡萬千枝隔岸又驚煙一片湖色遙從  
樹杪來禽聲祇向華陰囀東阡西陌遞參差同時攢簇峯頭

見峯頭失卻來時路。彌望白雲。滿芳甸。嵐影谿光遠近宜朝  
煙夕靄。晴陰變。坐來華氣醉熏人。紅泥亭上和風善。遠峯朵  
朵碧成圍。細草叢叢綠爲薦。伊昔縣津老詞伯。香雪題名人  
所羨。漫說風光似海寬。傳聞每恐徒相眩。青鞵布襪自今茲。  
令我手腳輕欲旋。浮空盡是雪華飛。滿地都將香霧扇。夢爲  
胡蝶繞枝頭。來往千回不辭倦。

回舟虎山堰作

辭山理行艫。蕩漾風日美。陳迹眷鶯鶯。新情狎煙水。鳬鷺招  
近尋。雲松豁遠視。餘興未蕭條。歸程復迤邐。平川淡無情。浮  
霞漸成紫。微陽欲沈西。明滅空翠裏。良遊惜易盡。佳景戀難  
已。喧寂雖殊涂。會心唯一理。因之坐題詩。幽討記終始。

家園送春

江南水漲桃花春。江華吹水波龍鱗。輕紅虛碧兩相盪。一瀉  
直入胥江津。而我結廬耽寂寞。四時坐變忘昏晨。春來不迎  
去。不送恐被枝上春風嗔。平明發興埽三徑。招要詩客延詞  
人。一時豪俊皆鳳麟。文筆璀璨連城珍。綠陰陰却自在身。談  
元欲到羲皇淳。胸中妙處和天鈞。佐以歡伯醇乎醇。杯行入  
手須千巡。酒酣一往歌聲振。驚紅時拂皐紗巾。醉倒不礙眠  
華茵。翩然蜨化萬慮泯。

偶吟二首

空叉兩手問行藏。世路春風轉渺茫。欲報君親搔白首。劇談  
僊佛對紅妝。鬚眉猶帶秋山爽。心迹全同夜雨涼。奇俊少年

能會意喚來醉倒萬千場

韓公豪雋史公憤獨往獨來天地間爾日知交唯二鳥吾曹  
事業豈名山松生石上枝枝矮竹入湘中箇箇斑霜鏐借剗  
情緒斷餘年要伴老僧閒

九龍塢道中四首

岸上迢迢往林閒細路分風潭平漾野春嶠遠橫雲照眼藤  
夢滿霑衣艸氣薰停舟幽意愜回首謝鷗羣

弄晴多野鳥喧午有山蜂細物皆春事閒人自好客煖風吹  
處軟白日照來濃遙愛桑麻地通將野徑封

作事幽尋徧無心曲徑通孤邨流水外古路白雲中飛蜨時  
沾客游絲祇裊空忘機俱自得谿女及山翁

路回林盡處。繞舍見清流。怪樹又巖足。閒粵盡屋頭。徐行耽  
僻趣。得意且狂遊。城郭殊堪笑。人生箇箇浮。

過西跨塘橋陳氏園八首

名園須結構。在野卻天然。松葉棚閒。藤粵架下穿。作。峯。唯。  
片石有樹亦蒼煙。到此亦舒眺。欣茲得地偏。

虛館坐來久。始知占一邱。茶杯畱古款。翰墨必名流。野外天  
同曠。園中意自幽。偶然區以別。選勝復登樓。

破苔緣石級。小閣啟疏櫺。簷逼一叢綠。窗虛四面青。從他將  
晚晚。容我且消停。笑指來時路。煙迷粵下汀。

庭院人希到。晝長日影清。艸香翻蜨翅。粵氣和蜂聲。竹榻支  
頤坐。吟筇繞檻行。春光容易盡。遮莫綠陰成。



四圍竹木繞箇裏著紅亭。鵲墜瓶畱葉紗籠架。皮經清池魚影寫。芳艸燕泥零到此。殊宜飲春風。欠綠醺。

連岡堆翠色。獨鶴步松陰。已作籠中物。誰知海上心。人情徒有愛。客思轉難禁。矯首雲天遠。孤懷一往深。

主人長不到。鎮日閉閒門。人世春光好。園林古道存。小橋連竹色。直壁點苔痕。牆下碑橫裂。低頭字字捫。

自笑鳩同拙。田園或可營。養琴閒氣味。洗竹淡心情。鮮果收還落。佳蔬摘又生。可憐無隙地。吾志亦難成。

善哉行

出門盤桓山難水難重。帷相聚盡此杯盤。解一人營要津魚上。驚湍一朝失勢曝腮空。灘解二裘馬揚道人百言好金盡客逃。

蒼蠅秋埽

三解

金丹何術賺上雲端壺中日月忙于跳丸

四解

桃

李牆低胡蝶

飛飛

春風吹面

之子來歸

五解

飛觴相勸

兄弟三

人

爾飲我醉

父母一身

六解

人

爾飲我醉

父母一身

六解

人

爾飲我醉

父母一身

六解

人

爾飲我醉

父母一身

六解

夢遊鴈蕩吟

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

并敘

江丈濱臣中歲棄家不知所往或云鴈蕩有老僧貌

甚類濱臣也

令子往跡之久不得一遇子異其人因

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

作此詩以寄興

若有人兮鴈蕩閒乘風御氣去不還而我好從異人遊夢隨

秋鴈來名山

幽深神鬼祕謝公屐齒未曾至嶺頭羣鴈

自往還浴罷空潭夜嘹唳清風明月無人知寂滅荒寒太古

時湫聲遙共海濤亂雲氣長隨瀑布飛雲氣湫聲無時已轉

時湫聲遙共海濤亂雲氣長隨瀑布飛雲氣湫聲無時已轉

盡千巖萬壑裏一徑忽啓洞門幽階前白鹿銜松子松陰滿  
地晝長寒煙雨空濛濕翠巒薜蘿挂戶無人到池邊流出洗  
餘丹招手欲共僊人語羣鳥飛來掌上聚天風吹落片片  
散布空山亂如雨了然心魂清一夢落瑤京寧幃起坐悵至  
曙枕席依然迷舊處寒池浸月無古今知是何年入山去

放言

脫履覆琪琚脫巾挂珠樹高臥增城顛清都吸沆露起坐一  
長嘯天零布地布羣僊飄然來空洞無所住聖凡兩不希清  
風吹我衣衣上生雲氣散入下方飛化爲一隻鶴乘之相與  
歸

遠遊篇

長空雲影翳大海魚脊露謂已出涯涘居然局名數況當守  
一隅安知天外趣願言駕雲裝飄搖縱遐步渺然凌倒景時  
與釣客遇九還小道成十種妄想固鬱岡亦旅泊鶴嶺祇流  
寓海鼃一以振靈宅俱顛仆人間五欲昏方外三芝誤慙其  
紆曲蹊勸之軫大路愛河有日枯癡淵一時度西方有至人  
獨啟迷中悟回首昆侖顛茫茫但煙霧

四白齋贈蘭荷菊梅各一首

漫山灼桃李白日潛孤芳風吹意方吐人定聞餘香誰爲好  
修者遭沆空蒼茫采之欲有贈久要定無忘

涼風過高閣荷香澹未收夜靜了無影唯見月華流蕭然古  
佛心空色兩難求楹前翻貝葉梵響隨清秋

微霜下東籬蕭然寄孤影不施紅粉妝獨立深院靜一卷淵明詩至味相與永唯餘素心人耐此秋光冷

天寒山更寂雪蝕千林既初日照毛簷盎然動春意曝背梅華下澹懷遺俗累稍待雪消餘洩盡寒香闕

中峯讀書

借來客舍是禪居愛坐閒窗夜色虛澗水時聞風斷後竹林漸白月生初難從支遁清調鶴且學天親晚著書時聞成心唯識論地喜無字脚何妨門外問三車

題蒼雪大師畫像

閒雲一片鶴爲儔來自滇南杖錫遊萬里青天開笑口三間白屋豎拳頭花開湖上宗風妙聽徹泉聲句法畱我亦年來

耽嘯詠馮將茶果影堂酬

贈古愚上人

羨汝山中老不材講堂終歲未曾開逢人軟語自朝夕有客吟詩頻往來石浸寒湫生綠髮梅經積雨長青苔一般林下忘機客歎我浮生句裏摧

贈詩僧念亭

古樹蘿藤曲徑煙來從雨後聽流泉相看半世門庭冷知是三生願力堅密竹遮天宜宴坐白雲覆戶且高眠憐予結習消難盡彌勒龕前又聳肩

觀池魚

中峯雨初歇眾壑鳴清音淙流注階下平池夜來深侵晨起

禪關觀物祛煩襟蒼苔響幽屨魚影忽已沈藉草坐方久稍  
見依樹陰蘋閒時喋啜參差滿山潯悠然識魚樂愜此豪梁  
心況有支遁侶抱沖臥高林相對澹無極烹茶共微吟

山中雨霽同念亭上人從中峯步至法螺庵

晨起見山光欣然縱良步招邀釋門子弄泉遵古路同音有  
殊聽高下善相赴坡平響漸分湍激勢方怒遂得古道場竹  
木森回互雨滋淨色勻風和美陰布忽疑入谷幽陽采闕不  
露透迤上香臺川原望如故卽理自知夷稱心了無住兼此  
興曠情佳處君應悟

同念亭步至宛轉橋

宛轉橋邊一杖藜印紋屈曲繞幽棲綠荷深處浮華鴨碧柳

陰中叫竹雞。選石唯將禪侶共。倚闌直到夕陽低。數杯茶話無塵土。但指西山萬笏齊。

過白雲泉贈主僧

面壁開禪室。巖華覆屋新。清泉鳴永日。古木倚閒身。一衲無冬夏。烹茶自主賓。更來高閣望。到處豁天真。

登華山

古道歷盤紆。一徑入雲竇。竹密籟逾清。松高枝更瘦。森嚴陰寺門。蕭寂露遙岫。秋華廊下敷。古桂殿前覲。積草屯危階。浮蘋貼寒甃。拄策上層巒。芙蓉冷白晝。蒼巖雪色斑。文石苔痕繡。崖欹老藤扶。壁圻陰泉溜。相將造厥顛。蓮峯實神構。依然混沌心。早謝斧斤鏤。觀幻本無從。了空不受覆。妙悟在今茲。



天風吹兩袖

虎邱題壁雜詩八首

吾家虎阜近。少小慣登臨。又逐兒童去。空驚歲月侵。名山同冷落。泉水各消沈。懷古無多意。悲涼已滿襟。

玉蘭爭放日。一樹萬華稠。銀漢人間白。玉樓天際浮。香從山後滿。種向宋時畱。對此添吟興。頻將麗句抽。

遊屐中秋罷。林泉片地荒。世情空向背。山意豈炎涼。獨坐千人石。閒行七里塘。從來羞逐隊。寂寞興偏長。

山鬼聽經處。生公此結庵。千年標海涌。片石落江南。人靜風生樹。鐘清月在潭。頓疑塵世隔。古洞闕幽探。塔頂層層上。依然平地行。空談終自誤。身到不須驚。野色秋

來碧山光雨後清。馮空揮手處。下界白雲橫。

吳歌名海內。嗤點有崑生。隻字能知律。千人敢發聲。管絃人世。鬧梵貝佛門。清。但得聞根淨。何分麝與成。

澗寒偏置閣。壁斷忽飛梁。每向三秋後。來消一味涼。鐘清真似水。月白漸成霜。忽悟無生法。虛空滿佛香。

眞孃前代墓。猶自占香林。未識緣何事。流傳直到今。荒堆春夢杳。苦海色根深。惆悵閒吟客。山頭夕照沈。

贈沙斗初

沙子日追攀。論文時解顏。胸中無俗諦。眼底有眞山。春至華還放。天空鳥自還。君能知此意。李杜一時刪。

題畫松爲季晉作

山中宰相誰能識。松風入夢搖崩芳。阿弟胷中熟舊聞。燭照  
數計窮得失。李蔡爲人不足觀。魁然愛此丈夫特。礪節目  
將無同畫工。借爾傳胸臆。枝枝貌得棟梁材。葉葉寫將鸞鳳  
出。盤空兀界忽參天。龍門大手昌黎筆。君不見子美當年讀  
漢書。斗酒一篇盡卷帙。又不見龍川醉後談古今。公瑾元龍  
佐捫蝨。爲我喚來松樹下。與汝相將閒抱剝。仰天大笑史懷  
豪。千載閒名尙凜冽。兄也生平頗蕭瑟。亦有奇懷苦逼塞。憶  
昔停颿采石磯。萬鴈忽向松顛息。波濤撞空首一回。黑映江  
天青。插壁復憶樓霞松。九株山下沈沈蔽寒日。桃花澗畔獨  
來遊。鸞鶴渺然時可卽。英雄姿性神僊才。兩地孤懷但默默。  
安得汝我老其閒。尙友古人勤學殖。讀書論世齒清霜。浪浪

松○濤○閱○世○疾○秦○灰○漢○劫○六○朝○殘○萬○年○老○幹○常○牙○直○

題畫菊爲季晉作

阿弟一生負傲骨。閉門度世歲超忽。秋風埽地百卉空。庭前  
愛看霜姿發。數枝寥寥影蕭蕭。獨立乾坤意突兀。陶公采采  
何悠然。屈子餐之可永夕。天生志士與作緣。此華乃是華中  
俠。愧我生平少風韻。春華爛漫眼方白。東里忽見徧黃金。欣  
賞偏同和嶠癖。酸寒滋味或相宜。敢向古人論標格。阿弟謂  
我志自佳。書生氣岸橫空碧。意欲與兄伯仲間。玉山高寒雙  
屹嶠。富貴偶然讓魏姚。肝腸獨自填冰雪。秋光萬斛輸難盡。  
秋露涓涓長不絕。香滿衣襟插滿頭。月下風前清氣徹。人生  
窮達豈徒然。未容一往矜高潔。況今生長太平時。老圃逢秋

○變○秋○八○姑○捨○屈○陶○兩○夫○子○所○願○魏○公○香○晚○節○要○將○此○意○寄○丹○  
青○潑○一○淋漓○貌○霜○傑○

懷古六首

關中

四○海○嗷○嗷○萬○姓○荒○只○供○一○炬○燕○阿○房○賈○生○從○此○傳○三○論○秦○帝○  
空○矜○畢○六○王○西○去○天○連○蜀○棧○迴○東○來○地○接○雒○川○長○但○教○莽○莽○  
看○形○勝○據○此○金○湯○那○得○亡○

下相

中○原○逐○鹿○竟○何○之○楚○漢○爭○雄○彼○一○時○百○戰○歸○來○誇○衣○繡○側○身○  
無○地○泣○亡○騶○海○雲○遙○接○田○橫○島○江○雨○空○遮○義○帝○祠○獨○有○艤○舟○  
不○肯○渡○知○君○到○底○是○男○兒○

豐沛

漢王生長難忘地。五色雲開白帝驚。天授陰符吞海岳。鬼呼  
大將埽鯢鯨。歌風臺畔英雄淚。泗水亭邊父老情。腹有遺編  
堪下酒。只教除卻一杯羹。

西蜀

漢家畱得局。碁殘隻手難回天。步艱先有關。張扶正統終同  
吳。魏老偏安艸廬萬古埋。鴻爪棧道千盤困。馬鞍特筆紫陽  
聊吐氣。詞人到此淚沈瀾。

鄴下

征西疑冢徧蓬蒿。不識何人是捉刀。淨埽羣雄才立鼎。連徵  
司馬已同槽。分香賣履千年恨。躍馬橫戈一世豪。若向詞壇

邀九錫滿門才子盡功高。

武昌

大江東去路漫漫。孰向煙波老釣竿。三國戰爭年最少。一家豪傑古來難。指因意氣迎諸葛。顧曲風流走阿瞞。縱使稱臣肯上表。依然半壁擬龍蟠。

被酒偶作五首

予聞昔人言。天地皆愛酒。奈何忝三才。而無杯在手。愚者多惜費。志士務不朽。所以舉俗中。無暇問升斗。曰予耽寂寞。抱獨誰與偶。醒時人爲徒。醒後太虛友。太虛不可尋。清風入我牖。

人嫌百年短。過此復何如。自有天地來。壑舟日夜趨。圓景無

停軌義轡諒難紆。坐見白日傾華屋。變邱墟。問君有何術。身  
世還虛無。莊周亦有言。遊心物之初。此理甚易知。但與醒者  
疏。

我愛孔文舉。英風蓋九有。曹袁不挂懷。挂懷者杯酒。所以劉  
豫州。奔難唯恐後。悠悠天壤間。姓名在君口。平生扶漢心。契  
合諒非苟。亦運雖終殞。意氣今不朽。

陶公愛琴書。虛空屏罽塵。薰風入庭樹。禽聲變餘春。偶來北  
窗下。徑作羲皇人。羲皇去我久。飲酒得其真。一觴輒自進。形  
影酬宵晨。有會則賦詩。清風邈無倫。醉後失曹劉。下筆自然  
神。

我生百有累。秉氣復嶙峋。突然天地間。得此苦吟身。賦詩豈



不豪未若酒中真。偃仰在一室時運忽已新。寒露變初夕朔風忽交晨。有酒輒斟酌。隆冬變陽春。濁醪通化母。可以還吾淳。

重過陳氏園二首時園已易主矣

嬉春隨眾到。偶值牡丹開。怪此雲林地。忽成錦繡堆。禽魚多悵惘。蜂蝶亦疑猜。不分清吟客。狂遊得得來。

遊縱寧有定。世事亦無真。寂寞今時變。繁華逐眼新。亭臺成小劫。賓主總閒人。清景隨時過。消歸物外身。

登攝山最高峯作

江南江北山無數。盡向最高峯下環。寒渚荒洲亂明滅。白雲青靄時往還。清磬發聲諸界靜。野僧守寺一生頑。舉頭天外

亦吾意萬仞丹梯容易攀

題碧薛亭

碧薛亭蹲石壁危攀蘿捫葛傍山陁雲羅大壑封秦樹雷劈陰崖失禹碑豁眼方當江月照披襟暗覺海風吹興來膽欲題詩句冰雪遺文那可追

華山道上

華山山色入虛無石徑盤盤取徑紆積翠千重環斷壑飛泉一道界長衢參天樹下狼相喚覆地雲邊鶴獨呼半世奇懷今不負休誇員嶠與方壺

過慧居寺

末法中論持法地慧居律行復奚疑齋堂氣象還三代禪窟

宗風彼一時杉竹陰濃開古殿星河秋迴照寒池涼宵不寐  
來深省悔者多因跌蕩姿

石湖春日泛舟

獨放扁舟湖上來春陰漠漠亂峯隈重雲掩水濃如墨細艸  
沿隄綠似苔拍拍鳬鷺閒自浴沈沈樓閣晚猶開一竿煙水  
平生意準擬浮家去不回

古寺

古寺碑殘歲月迷行來幽草徧荒蹊山僧補衲初休去獨樹  
斜陽鳥亂啼

題畫

雨映鱣鄉雲映城菰蒲寂寂野航橫長天煙水模糊極白鷺

飛來一點明

汪子詩錄卷一終

汪子詩錄卷二

吳縣汪緒大紳著

夏日閒居雜咏七首

先人有敝廬乃在楓江濱春盡江水漲夏初江樹新薰風一  
以動水木俱含欣披髮坐盤石俯仰怡心神有時清興罷閉  
戶卽經旬舉頭破屋裏慨想羲皇淳淳悶去我久高臥得其  
真松風吹欲醒暫將肢體伸曲肱還睡去踵息忘神昏  
吳趨盛豪華閨門最煩劇每苦炎夏蒸煙火萬家窄曰予歲  
戊辰曾此設講席呬唔聞閭閻名利共物役本性愛蕭疏時  
欲蠟幽屐賴有羽人家相望在咫尺地古卻炎暉僊居世氛  
隔幡高引遠颺下有對弈客予心已欣然藉艸坐壇石

依山置園林結構先人意地落祠堂後春秋時一至而我有  
微尙蹤跡于焉寄盛夏掩山扉日夕討幽事解帶獨臨池沃  
躬習水戲亭子著中央團團繞荷芰四面清風來空中扇香  
氣香氣一以薰杳然遺身世乃知鼻觀通徑造無生地終爲  
外物牽初心未暇遂何日長閉關擺脫塵中累

日色川上媚煙光艸際重橫塘夾修竹十里蟬聲中我來古  
渡頭歲月多行蹤行蹤一何多言贈墓上松墓在塘之西家  
在塘之東時節須祭埽悠然帶水通秋林靜虛白脊山靄空  
濛氣候良自佳泛舟每從容炎夏少經過安知野趣濃野趣  
濃如此欣賞情何窮。

卻暑尋僻地蓮涇長散步遙見積善庵橫在松竹路繞寺環

谿流遡洞曲折赴入門氣已清桐塢階下布內有百餘僧焚  
香各安住長廊時汲水相逢了不顧偶以揆幽至遽此增慨  
慕徐步窺寺後卻見來時路輕颺漾柔藍偃岸僵老樹樹頭  
一蟬鳴樹根一僧臥對之涼意生徘徊到日暮

伊予有老友僻在城南居城南腳下水引注環精廬屋邊多  
老樹入夏盡扶疏陰中架略約意在通樵漁我時從之遊珍  
重設青蔬果腹坐谿橋支頤望太虛太虛何所有唯有雲卷  
舒雲起自悠悠雲滅復徐徐不須言起滅變化還其初相對  
以此足白首願無餘

掩關學干祿比鄰見面寡有時出西郊筇杖終日把江村暮  
色來風物殊瀟灑水光浮遠空澹蕩夕嵐下須臾霞氣收星



月○照○四○野○邨○口○聚○老○農○懷○抱○共○輸○寫○生○子○子○生○孫○盡○作○野○人○  
也○女○長○便○須○嫁○嫁○與○耕○田○者○不○須○羨○高○官○不○須○羨○大○厦○此○意○  
良○非○欺○足○以○愧○儒○雅○

春日登來鶴峯放歌

東風吹野春茫茫照天幕地黃華黃芙蓉一朵中央起黛色  
橫空雜翠紫雲裏僊人騎鶴來僊人已去鶴未回奮翅欲飛  
飛不得翩然獨企千層苔苔痕斑駁有佳趣石上長松自回  
互樹根拗石石怒奔萬歲蒼藤忽纏住一峯才下一峯高縱  
橫莫辨首與尻卻爲山行窮勝槩盤紆躡步心忘勞歷盡谿  
衍豁平地坐來吞吐煙霞氣腳下諸峯看不見遠翠飛來可  
人意西去太湖露半灣欲放不放重重山劈開玉峽鋪碧水

春醪借吸開歡顏醉時長嘯僊人洞鶴背簫聲試一弄

將進酒

將進酒莫停斟江南春最可人東風華上來催客買綠醕酒  
徒呼熟客酒舫坐閒身酒樓造何處乃在太湖濱太湖三萬  
六千頃釀來百斛松醪春人言汪縉是狂客渴飲不怕蛟龍  
嗔君不見漢代東方朔蟠桃三熟偷來數忽然直入太山宮  
驅使風雷飛雨雹九潦丈人不能容歲星遂向天邊落偶然  
待詔金馬門萬乘爲僚忤諧謔騎龍乘雲一朝去重歸方丈  
笑寥廓又不見長卿慢世無與儔揮斥八極汗漫游上林子  
虛意未足凌雲賦就卑九州狂吟更有謫僊李慣放扁舟日  
千里君山礙眼便剗卻醉倒巴陵弄湘水丈夫偶爾有如此

杜康與爾同生死人生快意真可兒  
禪中蟻蝨空爾爲

二耕艸堂

明代許舍人

昌自于茲實築室自從買得來舊額名已逸

舊名梅墅

改爲二耕堂沮溺遠相匹伊予有兄弟曾約老芝朮  
依依涉荒園結構愛蕭瑟攢峯皆各勢引水鮮定質  
山澤氣自通動靜理無失勿謂一邱壑端倪已難詰  
人工會天機歲久露真率了無悅人意對之堪永日

甫里歌三首

谿樹參差映牛屋人家門前臥碌碡坐看水面夕陽浮  
鷺鷥一隻當風浴玩之不足心忘饑手握如意閒支頤  
把茅遮首事已了那用人閒知我爲

五尺兒童樂復樂。圓笠蓋頭赤雙腳。谿邊叱牛浮鼻過。片片  
桃華背上落。高原雨餘艸色多。飯牛樹下來婆娑。閒將一管  
臨風笛。吹出堯年擊壤歌。

江水齧沙沙齧樹。樹根盡向江頭露。人家借作釣魚磯。幾箇  
竹竿臨古渡。坐看活活環平田。香稻被野菱芡鮮。一家數口  
生計足。得錢買酒醉江天。

### 野樹

櫟社猶安穩。支離且此生。空山埋夏雪。破廟倚秋晴。日落行  
人怕。風翻老鶴驚。神明恐有託。造次莫相撓。

### 野鶴

乘軒非爾意。羽族一閒身。夜半天邊覺。千年海上馴。松寒清

有夢露白立如人借問浮邱子相看可絕塵

野僧

直入山中去。山中別有天。把茅黃葉路。洗菜白雲泉。山月照初定。松風吹早眠。此心無處住。隨處好安禪。

野寺

清晝一鐙見。荒庵隱亂峯。林猿窺古佛。野鼠竄殘鐘。五葉從誰問。三車夙所宗。儻來分院住。無盡水雲封。

桃華塢訪友不遇

獨木橋邊路。谿流繞舍清。庵前微雨過。塔下白雲生。寒色虛高館。孤懷向暮城。伊人不可見。載酒一時情。

桃華庵瞻唐子畏像

不見桃華樹空留壁上詩春風銷歇久何事繫人思跌蕩誰  
能爾英雄或有之形骸今土木猶是鳳鸞姿

題王陽明先生集後

已判人間百不求尙從講席問儒流傳經愛訪陽明洞一任  
兒曹笑未休

題趙大洲先生集後

手把楞嚴挽士風詞垣清淨卽琳宮聖賢祭罷明心學誰與  
先生了二通

大洲先生著經世  
通出世通未成

題張太岳集後

萬厯初年握斗樞橫身爲國立朝孤縱教歿後多翻覆也勝

臺城一餓夫

杜茶邨云使江陵生于今  
日不過臺城一餓夫耳

題李崆峒集後

愛國忠君千首詩。知君真把少陵師。渡河擘海尋常事。妒殺江南錢受之。

江行六首

動靜無端緒。懸帆又此行。諸山隨棹轉。遠岸與江平。日照水窗淨。風生秋簟清。踞牀吾穩坐。寥廓引高情。

物物何曾欠。生機在眼邊。海鷗飄似雪。沙鳥泛如煙。已識閒心性。相看可歲年。從來天地意。杜子獨深憐。

杜茶邨詩云。從來天地意。不厭

白鷗孤

邨落沿蘆岸。人聲出水厓。牛行長短阪。鷺立淺深沙。伐木丁丁遠。炊煙縷縷斜。偶然思小飲。沽酒向三叉。

風定帆猶挂山寒日已斜秋光空野樹暝色靜汀華一杖吾  
孤往同舟客不譁天邊無俗物片片是青霞

木棉衣早換露坐此清宵獨客吟秋月空江響夜潮更無塵  
世味祇覺海天寥未克乘風去瓊樓望裏遙

江永吾頻涉初來氣亦雄蛟龍蟠大澤鷹隼激高風觀物今  
朝異與人遊興同祇愁澹蕩極一船任西東

### 秋日閒居

秋入江楓古岸紅柴門晝掩市橋東交檐疏樹鳴佳雨繞舍  
清流漾好風曾向江門懷好夢還馮船子覩奇功兩家和會  
仍多事且向枯椿下釣筒

偶同程生在仁閒步西園因至塔院



偶步西園來塔院鐘聲徐動客徐行四圍竹木一谿水暝色  
秋光相與清

薛大家三見贈詩十四首予歎爲中聲所止家明之亦  
謂白衣說法天女散華時也味之不足次韵奉荅并示  
明之

宗道遺一老知我學歸根家三舅氏廣服上人見  
子虎邱詩謂有道恨出世心神  
妙投詩氣味溫江湖多法侶儒釋有同尊片語兼師友難忘  
向上恩

心交天下士相見不妨遲綠字能文客青鐙得意時斷無門  
外客誰欠性中知爾我通懷得多師是總持

德星占聚會太史奏陳荀堂上一彝倫樂闔門道氣真吾曹遺

恨在望古愧斯人。同汝鮮民痛難言。物物春。

放心求未得一室。自迷方句讀。吾頻錯詞華。客擅長飛鳶看。  
早上好馬欲成行。獨學辛勤甚。惔惔君不忘。

長夏山居日橫經。竹木中孜孜。三錄就冉冉。半生空心穀仁。

爲長悲田善與同。文清并文肅。爾我一家風。

家三仿薛文清讀書錄劄記于

者三錄來詩以趙文肅二通見勉

百泉山下客寵辱不關心。一枕羲皇夢松風。萬古浚因渠觀。

理熟不受外塵侵。築靜陽春裏。又成鸞鶴吟。

水鏡今誰是科名。諒不誣黃金收國士。青眼慰窮涂。

家三明之先後

發解移北休騰笑。將南實善圖中央。游羿殼肯謂我非夫。

費我杖頭錢。同君白水邊。隔生杯底聖。卽景畫中禪。華笑風。

來。戶。雲。飛。水。逝。川。渾。身。忘。去。住。敬。執。見。心。傳。

管子書者心之敬執也

紫柏予心醉冰霜鍊性情三生豎夙願萬里悄孤行象教精誠衛龍湖同日生時存方外意交道砥如平

詩文俱未妙意得暫偈豪杯水聊浮界坳堂肯作濤艱難全樗櫟笑傲有蓬蒿近得修行法焚香讀楚騷

我老白雲灣時將親舊攀松情宜一壑蘭臭慣深山對酒高歌發入琴流水間那能消受此提唱閑柴關

訓蒙才罷館結伴要同遊竹木閒人少谿山好話畱有時攜一鉢隨處卽扁舟紗帽風流極安心隨白鷗

龍鵬非我夢把釣老空江春到梅舒萼宵來月印窗鍵關消漏永誦帚得心降寂寞三峯路馮誰樹法幢

明之趣殊僻。妒我得瓊瑤。不復親長吉。還須識子韶。傳經鑽  
宋學。把筆笑南朝。大海回瀾後。三千善力超。

明之誓行  
三千善行

### 酬明之次韵十首

交君余

林薛家

後新舊雨兼淡。城市原非隔天涯。若徧尋吾

生難自了。法侶結來今。寸草眞拈得。春山處處金。

幽懷吾不賦。時命佛難齊。跌蕩堪忘歲。虛空亦寫題。身從平  
世老。頭向野人低。待得秋風起。霜前嚼螭臍。

堆來書卷滿。記性愧全無。且喫杯中物。休操身後觚。團團將  
扇畫。曲曲把屏圖。爲此風流極。予情或未孤。

多生應學道。慧業豈無生。祇少禪心定。相看筆性精。開堂聊  
拓手。搖樹不聞聲。笑指歸涂月。人間一點明。

寒栖陸佩好根種分得數君靈愧我無經術危言那足聽浮  
生須富貴濁物是杯醕有客頻相勸山中醉未醒

息影猶郊藪生成是鳳皇冷風行御寇片月珠吳剛身世蘆  
中鳥人天葉上霜消沈文字海萬古淚淋浪

魚亭

季晉號

眞俊弟早逝未逢君隔世成同夢三生幻片雲意

孤今有託行斷念空勤說著言秋艸

所著詩名

名場了不聞

相與神交處論心到渺然羲皇眞得趣函谷本無詮初度逾  
三十爲春已八千精嚴持佛偈此是法中緣

開門何汲汲吾道卻虛生智果貪清淨心香養太平相逢當  
四月畱話到三更葉暗簷前樹空窗綠意橫

比予辨更雄內外待流通佛地今回向盡天舊太空精華人

不及寥落境方同屋大貧難住移家我欲東

送王禮堂先生北行六首

風來乘我我乘風半載論交淡泊中忽向津頭成遠別蓬山有路許誰通

荒江寂寞肯爲徒嗜好酸鹹與世殊說與旁人渾不信殘年喫飯了殘書

賀公在位只清狂世外相看有子桑容我扁舟訪練水讀書聲裏識西莊

雲邊白鶴海邊鷗我是詩家第幾流逢著知音方一笑但云須向古人求

孟韓嘗願逐龍雲千古風流今再聞他日耦耕如踐約江門

風月好平分

萬人如海藏身處相對還同物外吟

彭允初自京書來以東坡萬人如海一身藏句

自爲語故人憔悴甚門前三尺草深深

晤彭允初十二首

并敘

允初自京師歸訪予于程氏館中畱榻夜話越日而行允初學道人也予獨懼其速求了證走入別路去允初亦疑予因循度日牽率世故恐遂爲塵埃濁物予始知允初近于好惡關頭用力無復向時誤認光景之病而允初之疑予卒未之能釋也雖然予已無意于悠悠者矣相知數君子予豈能無意哉爲吟絕句以盡鄙懷

速求了證我心憂握手方知骨已抽曾釣潑潭千萬尺閒華  
偶落眾魚浮

不儒不佛一頑身孤負光陰四十春輸爾修行能著力逆來  
歡喜順來嘆

梵筴僊書日夜披吹風滿網太迂癡而今一切都放下放下  
之時看是誰

不管儒門與釋門此生徹底要掀翻一朝了卻心頭事遊戲  
人間北海鯤

眼高四海者男兒好作童蒙句讀師論語說來真有味春風  
沂水或同時

半世蹉跎不復論煩君珍重話朝昏勸人爲善須牢記攝盡



河沙萬法門

魚躍鳶飛亦快哉些兒活計括三才  
白沙把柄休輕覷萬善都從此際來

石鼎詩成鬪句強彌明道士老郎當  
無端發一閒高興要把名場作道場

蘭臭平生慎所熏論交鄉井苦殷勤  
因君得識人中瑞羅山

宋道懷公  
原閭庭韓復概有聞

羅宋閭韓自出羣都來有志在斯文  
愧予疏放無拘束物外相期張一軍  
有物先天本混成須教直下見分明  
愛廬豈是癡歎漢放過今生待隔生

家山有事報君知，萬劫原來無動移。  
入得門時穩穩坐，任他門外笑狂癡。

羅臺山道吳歸里允初送至昆陵作詩贈別臺山次韵

荅之兼示諸同好因繼作二首

有客乘風去，煩君寄語歸。  
把書猶對坐，

臺山書有對坐蒲團語

二妙實

同機江艸煙薰岸，溪月帶扉夢魂通。  
異地怕我用心非，流浪轉增劇吾生。  
何處歸慣喧南郭，籟難息漢陰機。  
雲懶終依岫，風勤偶掩扉。  
交情同脈脈，肯爲辨今非。

來安懷友五首

王禮堂

出處原同趣，名山有妙人。  
言書能灝灝，下士每恂恂。  
流水閒

于客濃陰綠到鄰。晝長無一事把卷送殘春。

潘端元

旅館仍耽寂。蕭然寄視聽。鄰僧傳晚磬。獨樹帶春星。課子如君少。攻書筆硯靈。欲知吾道貴。身後有孖亭。

陳芳林

僻邑無塵事。嘉林入夏清。山櫻多背屋。谿柳半侵城。小子知書味。長官有政聲。因之寄吾友。聊慰別離情。

汪明之

遠郊多僻趣。行步逐谿斜。坡上閒驅犢。城頭晚立鴉。浮生吾過半。寂寞好爲家。此意君能識。吟詩代折麻。

李禹定

書到文章進予心喜可知持齋根性好閉戶用功宜冰赴渠  
成候艸溪門外時此中真有趣古寺獨栖遲

詠庭菊贈彭秋士

身世蕭然極庭前菊一叢境清晚節苦心遠妙香通傲世久  
無意贈人思與同寂寥天地內本性有霜風

詠止水贈允初

性空水自止相對淡然瀟一鳥兼雲度孤松得月沈有爲皆  
世味無物比禪心傾耳七弦外昭文未鼓琴

枯松

松枯心尙在直理了難殘子落抽林勁膏流到節寒鶴巢雲  
外徙僊窟雪中安詩老頻流涕龍鱗片片乾

枯竹

竹枯猶抱節歲晚見天真寄寂煙霜遠還虛造化鄰園中空  
水石雨下亂荆榛制管編書日餘生感鳳麟

枯毫

功德君無敵秋毫塞大千拈來能注易枯盡且談禪心已灰  
同冷管猶月比圓早年頻夢此夜夜大如椽

枯硯

兀然方板性物理遂難馮溫火中非焚先冬面久冰龍賓儻  
膠漆山骨敢峻嶒江漢潏潏滌雲光天外騰

枯桐

桐身高眾樹覆地遍青青葉下秋風裏蕭然不暫停寂沾清

夜露放盡一天星。枝葉眞僧少相依似鶴形。

枯澗

日夜松濤瀉澗中。滴瀝無兩山空自夾一水不能都。幽鳥時兼下野華。漫欲參差人影墜。橋斷坐樵夫。

枯寺

吾意眞山好禪宮。日日增多因金像。設祇恐劫灰仍絕粒。無閒漢棲蘆。或病僧虛空建刹。竟布髮獻然鐙。

枯儒

煖席非吾事。蒼生蒿目盱下帷。三歲寂魯國一人。臞斯道彌縫苦孤懷。咫尺迂誰知凍黎面。萬古有眞儒。

枯坐

鳥飛不到處身外但虛嵐古石留書佛空山久結菴雲平巢  
鶴樹月動飲猿潭枯坐堪忘歲乾坤寄一龕

枯吟

歷劫塵根苦枯吟亦自奇長松臨大壑苦月照寒池一往聊  
成句蕭然有所思無邪屈杜意爾我或同時

枯巢

鶴去巢仍在相呼松樹陰遙天流不盡片片戀雛心桑土三  
年淚雪山萬古淡未明先聖意空爾寄微吟

枯冢

天上葬神僊天風吹可憐雷公無數冢零落昆侖顛枯骨河  
沙積人身膏火煎眾生負孔佛歷劫淚流泉

枯蘭

古巷顏淵歿。秋江屈子沈。普根從落葉。香國已空心。雪下增  
松氣。風過滿谷音。他家山自在。無意動哀吟。

枯梅

傲極冰霜裏。冰霜日夜催。難回天地意。不見此華開。影盡仍  
山月。香多亦劫灰。春風上桃李。那復隔枝來。

枯巖

落盡風中葉。寒空一嶂排。松根纏雪澗。虎跡印霜崖。貌與人  
間隔。意將僧定諧。不須嫌寂寞。吾道此心齋。

枯龜

大智原無智。龜形已寂然。羲皇心地妙。一畫未開前。半滅支



牀久貪生被夢牽玩占何所事寡過好鑽研

枯蓬

浮生一笑盡身世似枯蓬陌上春風短人間綠鬢空天心非  
瓠落客意自西東宅此非奇事寥寥亦古風

枯桑

碧海高枝盡僊人奈若何儻君能悟此三宿尙嫌多箕宿精  
難託天風吹易過馬鳴慈力盡對爾淚滂沱

枯茶

雙井茶千樹清遭玉露凋乳奴虛作想森伯恨難消空碗仍  
孤悶三生耐寂寥多因無世味早早脫塵羈

枯苔

林中繡欲遍。秋到冷重重。空傍斜陽影。還將古樹封。千崖仍野趣。五嶽老遊蹤。磴磴坡邊路。鏗然響瘦筇。

### 枯蠹

食字飽還歛。神僊轉渺然。能天原浩浩。鑽紙故年年。反袂吾何有。儒冠大可憐。馮將身世淚。爲爾灑雲編。

### 題五君子遺墨贈知歸子

楊魏繆周五。君子巍然大。節載于史。東林列傳。更發凡歸功。講學亦有旨。灝氣罡風還。太虛霄漢爲家天。闕紫偶畱筆札。落人間。冰霜打骨雪嚙齒。藏者何人。吾友彭帶髮頭陀。知歸是君家。先世慕東林。南昀老子能踐履。重君先世與君遊。往往忘形笑相視。每從借讀梁谿書。差能剖析程朱理。當年豪

俊從之遊龍門萬丈天中峙五君忠烈真不凡以外更數左  
與李是冊收藏未獲全紙上已見五嶽起後有跋者非其人  
知歸削去等糠粃吾黨題詩首有屬一時汪緝欲羞死我是  
禪門操懿流諸賢臭味難相似小時曾看燼餘集書曰周先  
生差矣呵佛罵祖乃男兒狗闖那足汗吾捶目不識丁是何  
物書生駢首遭刀几東林提起便傷心不如撥置空虛裏是  
冊首載楊公書書言報復長安市三魏兒孫繁有徒如天戴  
魏如山倚春秋微者不登錄我今書此將無恥後言汪熊兩  
奇獄借端要殺清流耳我家文言俠骨真鐵繡屢穿如敝鞋  
眼看此書心鹿觸撥置空虛真可鄙其餘存者語寒暄棱棱  
爽氣出于紙看罷屬我歸題詩意在勸忠殊可喜徑山老禿

識忠義賢士大夫同碑壘假使鐵輪頂上旋龍逢之性終不  
毀龍湖小子頗利口傾心原在忠義士參禪念佛遍天下楊  
椒山一箇而已莫信禪門多操懿槿持此理有綱紀君乎知  
歸此其歸不負初心見終始立處立高高山上行處行淡淡  
海底一切女兒閨中物盡情捨卻不見指知歸知歸復知歸  
淨土東林不容咫不然請看五君書筆端向處直如矢

聞學老人見過卽偕往勤息菴訪曉峯和尚留贈三首  
閒逢寂子款柴門偶趁扁舟話水軒一帶雲林不記路數家  
雞犬自成邨

夏木吟蟬意已清況兼遠碧混初晴晚風閒極無人會借竹  
敲扉且一聲

借竹敲扉風落華門庭似水老僧家淡淡三尺堂前艸畱得  
閒人到日斜

贈沈立方先生

先生眞抱獨不見物情違秋水知魚樂春風鼓瑟希忘年增  
淨業閱世但天機飲酒微教醉清吟在竹扉

題和合二聖圖

吾聞和合二大士乃是寒山拾得耳寒山子衣布襦樸皮爲  
冠木爲鞵拾得公噉道側問之則云棄于此寒山住寒巖唐  
興縣前七十里拾得歸國清對佛而蹲嘗其旨有時寒山來  
寺中負筒而去唯菜滓拾得公寒山子順逆歌笑非恆情隱  
現出沒無定止我今饒舌代豐干略說箇中眞實理君不見

寒山詩。臆是心中火。功德林燒從此始。欲行菩薩道。護真心。忍辱是。又不見拾得偈。無。嘆。卽。是。戒。出。家。何。曾。有。異。指。我。性。與。汝。合。一。切。法。休。差。擬。以。此。二。大。士。心。心。大。歡。喜。或。廊。下。徐。行。或。廚。內。執。爨。或。牧。童。混。處。或。望。空。叫。噪。或。拊。掌。大。笑。或。串。茄。打。背。一。一。是。佛。之。心。祖。之。髓。夾。道。而。吼。置。帚。而。立。並。肩。而。禮。驅。牛。而。過。妙。得。于。中。意。游。戲。而。已。矣。我。思。二。大。士。其。人。如。在。邇。愛。誦。其。詩。篇。時。時。爲。翹。企。誦。詩。考。其。世。須。識。寒。山。子。南。堂。有。詩。歌。最。爲。悉。端。委。儻。君。欲。知。之。把。來。書。在。紙。若。人。何。鄉。何。姓。氏。隋。季。唐。初。豪。傑。士。屠。龍。技。癢。無。所。施。書。生。分。合。山。林。灰。竭。來。寒。山。三。十。年。不。堪。回。首。紅。塵。市。遨。遊。千。巖。萬。壑。間。駕。言。足。躡。龜。毛。履。時。訪。豐。千。看。拾。公。膜。外。形。骸。忘。爾。汝。擾。擾。人。

寢螳慕羶晒然一笑寒生齒南堂歌後聽我歌我歌初不求  
形似文殊普賢好兄弟聚頭閒話爲宮徵欲問圓明一顆寒  
祇在開卷掩卷裏

和允初自述八首

并敘

知歸子要予和自述詩予欲一例隨喜乎則恐增其  
法執欲不一例隨喜乎我已躍躍然欲罷不能矣如

法思唯作前後和詩

有人夢爲儒嚴氣風策策照鏡整衣冠山雞弄羽翮回看世  
間人瓜田多履跡一朝夢覺時笑倒李太白

太白有嘲  
魯儒詩

有人夢爲僊腳底雲浩浩御氣須臾還踏徧三山島回看世  
間人小年易枯槁一朝夢覺時自身畢竟老

有人夢爲佛因明而立照淨土一以歸禪關握祕要回看世  
間人相量以蚓竅一朝夢覺時妄想殊可笑

我乃凡夫身粥飯長戀戀但有粥飯喫伸脚眠至晏問儒儒  
不知問禪禪不薦問道道不能夢與夢相禪

我亦游于儒孔孟炳方策程朱與陸王大鵬展雙翮紛紛覩  
劒徒勞矣刻舟跡獨有忠孝心鐵華萬年白

我亦游于僊諸僊同浩浩長恐鼇身翻沒卻海中島凡夫笑  
高真問誰先就槁獨有忠孝心後天而不老

我亦游于禪無止亦無照問君何以然禪門要非要趙州雲  
門老兩箇無一竅獨有忠孝心祖祖破顏笑

我友知歸兄子母長相戀穢土一何喧淨土一何晏提肝奉



慈尊布髮爲之薦大哉忠孝心三教遞相禪

末利華

末利華開傍晚香碧窗人靜細添妝輕颺拂席涼些子一枕風流雨鬢霜

汪子詩錄卷二終